

四庫全書

集部

欽定四庫全書

集部

廣陵集卷

八至
十四

詳校官庶吉士臣謝恭銘

檢討臣何思鈞覆勸

總校官檢討臣何思鈞

校對官主事臣陳墉

謄錄監生臣王英跋

欽定四庫全書

廣陵集卷八

宋 王令 撰

謝客二首

擾擾車馬客各

一本
作出

以勢利奔自問閭巷人何為亦紛

紛與客成往還勉就俗所敦禮不經聖人頗厭後世煩

欲問無所得歸視紙上文非以孔子心尚拜陽貨豚乃

知偏仄間心跡久

一本
作固

已分去矣可奈何更問來者門

又。

躑躑出何為奄奄歸就卧不知身所謀徒與俗相和本

無聲利求

一本作營

久厭車馬過詩書雖滿前走奔不暇坐

收身衣食餘抱病歲月破得不勝所志進亦

一本作益

何可

課前躅杳

一本作莽

難躋下愚旋易墮

一本作知自墮

得勢有然爾

命矣何可奈

春遊

一本作城西遊

春風誰相呼鳥語到庭戶罷書起何遊

一本作往

繫馬城西

樹寧須客衆隨聊與春相遇高林美風竹踈影有清覆

可以便行坐解脫快巾屨日長天地寬飄戾飛雲度風

枝綠未柔

一本
作舒

日萼紅先露芳辰信可尚嘉興惜無寓

舊聞黃公壚頗

一本
作屨

枉壯士顧予雖輕數子自適偶同

趣起解身上衣就賞青旗酷獨酌不待勸

一本作
誰勸酬

興至

還自注對物無所語似若喧譁惡雖無歌舞勸幸可篇

章賦乾坤本閒暇人物自紛遽勞苦曷不樂歲月失已

屢酒闌起四望落日不可駐饑馬自知家何須問歸路

游江陰壽寧寺

寥蕭枝上風凋蟄以秋告黯靄道旁樹蔭綠涼可冒况

承積陰餘急

一本作忽

雨蕩晴昊初涼逞

一本作聘

新威宿暑懲

舊躁漫漫

一本作悠

出門路踽踽可誰造江聲洶西奔海遠

劇東到中間可行望洗滌

一本作濯

去塵

一本作陳

抱况於林阜

間古屋架晴燥蚊蟲稍斂收軒戶可淹傲惜乎余獨游

不可

一本作自

攜所好踟躕歸步風作冷相勞

賦黃任道韓幹馬

天寶天子盛天廐吐蕃入馬上天壽紫衣馭吏偏坐前

騎入都門不容驟西極首宿得氣肥六閑飛黃卧嗟瘦

千秋

一本作承明

殿下誰把筆當時人無出幹右傳聞三馬

同日死死魄到紙氣方就鐵勒夾口重兩銜墨絲巾尾
合雙紐天門未上人就觀老騶驚嗟失開口生搜朔野
空毛羣死斷世工無後手當時天子惜不傳送入御府
置官守邊塵勃鬱燕薊來宮闕蕭騷既焚後誰棄千金
出手收足踏萬里避奔走幾經蹂躪道邊塵今日寧無
紙上垢罇前病客不識畫但驚馬氣世未有冀北駿骨

無時無生不逢幹死空朽世工無手不肯休任使氣骨
陋如狗

甲午雪

平居汨汨喜自墮萬事過目不省窺一年南北兩見雪
未始把筆成一詩朝看氣象浩茫昧夜歸瞑想通幽疑
夢乘虛空謁帝所硤礪象柱承瓊棖坦塗壁壘相照射
鶴扇虧蔽狐腋帷帝旁鮮鮮舞萬女寶綃雅冶吹裳衣
纍纍舊本貫瑤錯組佩斥棄朱黛素兩眉撩搔王母戲

華髮袒脫

一本作指點

姑射爭膚肌提璫擲珥互投報顧我

塵垢加笑譏其傍臨臨立萬鬼帝所寵與借色辭密呵

細紵賜裘緜笑齒發露寒差差諸神斂

舊本作畏

避不敢望

棄唾墮落成珠璣朝懽噫怡棄烟霞暮慨吁

一本作呼

吸成

雲霏互偷天帑購黨與散布

舊本作布散

萬珏分千珪紈羅

練穀不計數

一本作較計

逆取倒曳交橫披鞭驅巨靈刮夸

父揮斧解繫

一本作繫解

關星機東觀颺頽墮壁角南顧禿

鬮亡斗箕其他雜冗

舊本作冗小

莫分辨從見漫亂如籬節

雷公爭前泣訴帝至此豈可無省知願分羽衛勅

一本作急

天討助以積電千山

舊本作山中

齊金神擁遏

舊本作前驅

按行

道後乘駕以萬玉蛻寶刀

舊本作聊

翻夾鐵盾王戟鈎子

橫珠旗天

舊本作霜

風蕭蕭吹縞素貝甲合陣

舊本作夜合

窮天

圍磨砮插羽注萬矢強弩競發相聯飛奸窮詐極不保

守引組自縛相連歸壘俘奏

舊本作獻

愷闕天陞越雉拔羽

按舞儀帝呼祝融付焚棄散灰下地無留遺徵朋索黨

計輕重新斬戮屏翳囚風師扶桑瞳瞳露軒豁日御復反

天衢馳覺來四顧駭皓白心與恍惚爭是非冬雷無聲
電不照疑亦衆鬼乘其私天高地下非所職且可把酒
無咨嗟

日蝕

錢塘山人大署壁曰十月朔日且蝕坐者跳起行者留
愚聞之驚智為惑我時過市偶自停眩兩目視闌耳聽
自嗟身賤不有位安得置此誅四刑惟此丙申日在未
天面黯鬱昏不濟舉頭仰日已半虧羣陰得志雲不披

塵函欲開鏡尚掩誰把白壁塗之泥大哉玄象浩難測
安有庸人以術得天乎反成監子名不念吾皇禳以德
吾聞日名為大明光一自出減月星今乃為之成薄蝕
安得君子不為小人乘

送曹杜赴試禮部

霜風琅琅鳴鼓輦鳥寒夜噪樹折枝居者不出行者歸
廐馬解銜車棄脂長河夜冰船就維百賈晏起朝閉扉
為問當今行者誰出門千里到何處母送拊背父嘆嘻

兒惜欲去哭挽衣上馬反顧紛涕洟非所願欲去何為
家雖有田豐歲稀所得償公不及私况望羶蕪事庭闈
結髮從學今十朞始自有志狗孔姬豈願從世成依違
高堂華髮紆素絲暮年待子為光輝望我日久莫報之
苟得一笑辱弗辭况望舊本作得三釜家無飢吾於二子久
所知怪其才高所就卑今乃語此誠可思近聞天子變
典彛欲撥舊况收新竒子行出仕適其期驛驢得路無
啣羈罷酒行矣無自遲去取天寵酬親慈

同孫祖仁王平甫遊蔣山作

山形鬱盤陀石路隨直紆

一本作迂

蔭松坐興長飲泉百煩

除憶望江上樓采翠橫晴虛愛之不能去取席卧與俱

若逢佳賓客不暇

一本作假

外禮拘意愛交自然笑語畧可

無常思一往遊杖履窮昏

一本作朝

晡忽從賢豪招氣類喜

不殊更以肴酒隨傾瀉談笑餘仰躋蒼崖巔下視白日

徂夜半身在高若騎箕尾居懽餘悲感集論說追古初

在昔天下衰羣姦起相屠相地視八極懷險歸此都全

吳既臣魏餘晉仍避胡此右山所瞻形勢高四隅游者
昔為誰名字不見書想當出塵樊盤礴望八區固宜有
高興何亦妄滯濡憶在初元年虎狼出當塗衆豪泣相
盟萬甲聚一呼樓船下三江千里懸旌旗忠謀屈巨猾
弱力張遠圖乞靈訴明神至此當踈一本作躄想當得請
初勝勢先羣誅雖時幸成功偏仄已可吁豈無當時人
縮伏巖下廬約身甘賤貧卑勢無憂虞坐視擾擾中同
為禍福軀我當明時來木石聊自娛遺祠今莫問故邑

已成墟歸謝山下民相期在犁鋤

對竹

竹風何撩

一本作寥

蕭畫畫發寒籟修纖諤天官揚揖縱王

佩豈無俗子遇自會幽人愛心虛中養恬節密外禦介

春萌喜含養夏籜竟分解無花與物爭有蔭亦人賴威

威南山鳳爾飛何時屆

舊本作戒

道遠寧不飢寒枝久虛待

豈非繒繳虞安有羽翮能

一本作憊

當奈葉間蟲壺爾所食

壞

暮行

晴烟去人高暮色上天半山銜日入深雲佇星出緩塗
昏歸鞍長林近去翎短悠悠宵偃慵衍衍暮行款南城

岌高躋近野匝四坦來期遐思舒暮雲所見罕星星颭

風燈歷歷吹月瑄一本作管靜樂遺世喧清思破塵懶心通

江海浮舊本作清氣寒天地滿茲興將誰同舊本作誰兒輩未

宜筭

野步

久攬末俗喧脫

一本
作去

就綠野靜方隨中屨便那暇賓客

命林紅落春衰草

一本
作桑

綠爭夏盛時從老農語久佇行

子聽謂言勞苦後各以

一本
相與

閒暇慶時逢瓶盎酒

一本

作活亦有者核稱喧嘲忽無次歌唱仍相詠酒闌紛起坐

白髮忽

一本
作或

兩憑兒乘旁樹嬉牛卧前籬暝予方困俗

累愛此近天性何當從之歸買舍與相並

古風

古風何寥踈世方盛誇慕利塗劇先趨直軌迷曲注渾

渾九河翻仵仵百川注分爭或多岐險枕纔一趣睢盱
承至歡讐疊謝絕怒才得升斗多勉售形骸顧不知萬
鍾得孰與一日裕况承丘山羞願易頃刻遇誰能脫近
役自放就遐鶩航湖足莢魚拔野厭芼茹行招千古遊
坐與來世語延風敞虛襟揖月坐嘉樹此意固有然一本

作自童兒

一本作
兒童

未堪預

蘄口道中三首

舟行邈棲遲江流滴排蕩魚驚躍或出鷺下飛何颺交

游偶相舍偃息聊自放回首失匡廬雲霏暮方上

又

稍稍

一本作悄悄

江上雨聲入牕壁寒悄悄

一本作稍稍

舟中人

曲肘自枕眠安卧不成寐起坐浩長嘆離家日逾百行
路忽已千昔與燕俱來今見北鴈還道里苦不通寄書
如棄捐風水相噴薄歸期渺無端空令秋夜夢反覆如
循環

維舟沂江流人力與水爭回視東下人恍如御風行誰

能倒長江奔瀉暫西傾聊用快客意何憚魚龍驚

廣陵集卷八

欽定四庫全書

廣陵集卷九

宋 王令 撰

贈廬山老居訥

訥公匡廬老詩句整以雅標韻樂天淳不肯外禮假所
居遠城市絕俗就閒暇崗崖道路惡亦為佳客下余雖
昔所聞相見今乃乍愛其語言好超絕忽世跨馬舁就
其居燈火共清夜惜不見其壯已老吁可訝高才可施
用售世嗟無價臨別更何論共是忘言者

一本作共
是相忘者

旅次寄寶覺訥師

小雨破宿暑曉風忽馬道山深樹翳陰
蜩螗應已秋清坐想高絕語言誰應酬
豈不念一往抱病終自留羈旅少往還
有來或非儔命僕一謝之縱我冠屨休
移牀上高堂解書散牀頭於此有嘉興
念世誰與謀獨思山林人一本作林下人
茲意可綢繆何當買田廬共遂丘壑游

寄呂惠卿吉甫兼簡林伯通

呂詩附

跋跋門外馬客至知謂一本作誰昔面尚未逢那論心相

知揖客拜上堂

一本作拜客揖上堂

謝客辱弗遺寒暑相問酬唯

諾坐無為靜默近尤遠多言足瑕玼勉從客所論還顧

所學非念此廢無益對書坐長嘻

一本作為此嘆無益廢書坐長嘻

獨

思同懷子念遠莫見之豈無寄我書歲晚若苦遲聞頗

困王事豈無閒暇時况有同僚賢相期在書詩人生天

地間常恐食所糜去就兩莫謀會合寧有期余病不自

樂舊學益以隳

一本作日益隳

近者非所同遠者勞夢思江水

日夕東道途宛而夷寄書當在勤

一本作寄速當日勤

無謂往還

稀

答逢原

呂惠卿

晨在趨長司跪坐與之言偶然脫齟齬相送顏色溫歸
舍未休鞍簿書隨滿門相仍賓客過敬午僅朝餐平生
性懶惰應接非吾真况乃重戕賊良氣能幾存就夜甫
得息閱我几上文開卷未及讀睡思已昏昏自知小人
歸昭昭復何云每於清夜夢多見夫子魂側耳聽高議
如飲黃金罇覺來不得往欲飛無羽翰昨日得子詩我

心子先論怪我詩

一本作書

苦遲友道宜所敦豈不旦夕思

實苦業牘煩豈無同官賢未免走與奔相見鞅掌間有
言無暇陳嗟嗟茲世士無食同所患念我力難任聞子
謀更艱久知為之天安能怨窶貧吾聞君子仕行義而
已焉亦將達吾義豈遂為利牽東海有滄溟西極有崑
崙古來到者誰不過數子尊子已具車航吾亦為檝輪
欲一從子游不知何時然

寄崔伯易

擾擾問巷士過我何所為屢來徒我煩不來我弗思少年樂知聞喜與客子隨晚歲事恬默與世益參差騎馬出尋人中路輒自歸歸來亦何樂書史自相期已與往者親可無茲世違欲語無所得起視北鴈飛念子遠千里昔別今已期寄聲雖云多所得竟亦稀近者忽報書期我往就之不知予苦窮繫此不可離尚迫朝暮憂寧有道路資人生少所同老去財幾時予勢既若此子復不肯來但恐百年間齟齬終其齊詩以一本作僅寄子招亦

以寫我悲

寄孫莘老

默默不自得勞勞非吾任不與君子逢誰復明此心偶
客來自南口有千里音知無木索勤頗復山水吟對之
為一笑欣如獲千金宣城風物佳古語昔已忱太平又
其有道途邈幽深溪流渺彎環山勢屹抱臨况復寂寞
人黃綬事陸沉公田秫既收客席酒屢斟悔予昔南浮
不往一就尋波濤忘日月疾病廢古今歸來就羈銜外

慮日已侵適時愧非才對客輒自瘖譬如火炙膚一本作炙

肌暫忍久莫禁惟思一本作致百畝田為可足釜鬻投身脫

世筭斂足蹈古箴寄言所一本作我同懷相期在中林

夏日平居奉寄崔伯易兼簡朱元弼

天風變春和晝日差夏永門闌一本作庭閑無事燕雀志益

靜紛翻詩書帙棄散懶收整時來就枕卧復可取窺省

心恬逐物間迹濶與世屏鮮鮮南山煖秀色在脩楨一本

穎作穎苟嫌一本作逃安坐慵還可一本作與遠遊騁自緣智能薄反

得閑暇幸交朋久相遠踈懶欲誰警

憮憮庭下樹陰影日已敷癯癯閉門人簟席自卷舒高枝就

遠冠曲枝掛裳裾

一本作襦

還來從此息卧視詩與書桓桓門外

客從徒駕驪駒不知來何間

一本作為

乃肯顧我間呼兒往應門

謂言出在塗非我敢厭客非客與我踈以予拙語言無
以得客娛一不當客意恐與世患俱不如兩相忘何能
效紛如

效古

流沙不勝車弱水不載舟謂言行子歸無苦事遠遊寄
子素絲裳聞子衣苦單失今不來還歲晚將奈寒

送朱明之昌叔赴尉山陽

朱使拜書天上回志以身試百里障青衫飄若風外荷
借馬載出塵土上準眉斲如見天秀獨立繫馬萬里望
身軀雖小胃腹寬沛如絕海橫秋漲久宜脫絕事高致
豈願卑冗勞俗狀高堂華髮親老矣四海無家寄几杖
世外言高信獨奇人前腰折嗟已強尉官雖小俸雖薄

猶有餘錢買甘養想當家惟奉顏面綵衣躬

一本作身

率婦

子餉詵詵兒女戲滿前累累諸兄坐相向人間此樂不可幸一笑自足百辱當時清固應稀盜賊俗弊寧不煩

咎掠好偷閒暇事簡編思予

一本作我

寧無尺字况

學子

瑣瑣來學子從我問古風謂

一本作吾

言古之人學不求世

功以其明智餘施與天下同能知學為身自不恤窮通童子顧我笑是言得無蒙斯道使可遵曾不聞父翁謂

言童子歸益自謀厥躬吾不能爾言亦不必爾從

吾不能爾

言一本作吾
能為爾言

出門

出門將何從中道忽自思彼懷與爾殊亦合念子歸樂
有詩與書遊有山與陂誰言竟無從猶有影自隨

雜詩

一云
古人

古人重非道飢不苟豆羹有為非其心或不脫冕行如
何後世人以官業其生鄙哉樂欺人猶以聖自名

寄滿子權

昔心何悠悠今學益漫漫
莽如浮江河

一本作
滄海

浩不際

崖岼生雖樂文字勤不償
几案重編空堆塵折簡久
枯汗徒知陳市肆表列環
四畔已無探討勤胡可賢
否按零丁晚觀玄泯滅舊
習豕得指來歲期失忘去
日筭嘗聞勤惰間已是愚
智判蒙羞欲何顏避恥愧
無翰不能繩已怠何力禁
人叛文章觸世嫌議語限
客竄時牽好惡卑俗撓是
非亂早衰奪舊剛多病襲
新懦心經衣食

艱事廢米鹽半何謀脫身去割迹與俗斷耕荒食新收
鑿室復舊貫念生如冬冰至死僅春泮其間能幾時何
恃苦自緩翩翩淮南英顯顯士林冠方手未為辱游子
昔同閑篇章覲新華論說聽橫捍包竒晚自走去實王
府玩近書何相撩頗以名見謾不知老者拙棄此久已
斷決斷子方勇自樹解轡縱新驛行期拾春青采綴縮
歸腕乖一本離思舊歡遷徙就新絆無琴雖自歌有酒
欲誰伴閒暇當寄詩持此資賀換

梅花

風吹冬暖變春暖江梅艷艷橫新枝經年不逢間何久
忽此相遇如有期初開珊珊尚寂寞仙人綴佩懸瑶一本

作珠璣後日重來不可辨漫漫月樹留寒輝清香芬敷志

何遠可惜不使蝶得知遊人爭至無日夜對之但笑果
喜誰不知春工用何術搏造萬物皆可為得非各使出
所巧約與鬪競合一時不然裁剪未易給鞭役衆鬼寧
不噫終年成功財幾日旋亦墮壞良可悲傳聞昔時大

烹享九牛合鼎羊豕隨一取所實薦滋味神啜不吐人
食宜安知後世無所用兒嚼不美還棄之古今萬事皆
若此為爾

一本
作汝

遠樹成嗟咨

金山

長江從天來意欲以地分西山避之逃東山開為門木

石

一本作
石木

所不捍土沙固隨奔東西兩隨海

一本作
兩通海勢

已無完坤如何中流居獨遏萬里渾坤維賴繫得地靈
煩窺捫不然已飄泊兩分不相存禹力所不除天意固

可論全欲沉一本作決九淵下視萬古根
畏強激常情中立
愛此墩詩成欲誰和感慨心徒煩

客次寄王正叔

夜長夢反覆百眠百到家
歲計晚未一本作難成客愁與日

加一本云容悲同日增長途千萬門
何地容我過一本作車而子壯亦

貧與余同一歌

南山雪

世於利祿不擇義苟可走奪足恐蹉
家儲千金吞銖兩

不敢盡費烏

一本作馬

用多百年到

一本作至

死財幾日恃若固

有理則那莊生嘗以富為病愛其放達與俗過南山衣

雪變羣

一本作為

王舉以賣世

一本作俗

售幾何山翁固亦富自

喜稚子無諂一本作謂貧猶歌

短諠

窓中燈冷暈重綠窓前西風葉相逐曉霜披瓦月上軒

枕夢不成鴈聲續拂衣起步行繞壁萬慮無成淚沾臆

鉄房老劍澁不青閃繫

一本作擊

八柱不可索白畫出門歸

路迷冬日易夜還空歸人將豪傑視如草天困英雄未
與時長鯨滯斬海波搖塞甲不卷邊塵囂吾徒顛顛乃
一本作我如此安得長喙呼重霄

暑旱苦熱

清風無力屠得熱落日著翅飛上山人固已懼江海竭
天豈不惜河漢乾崑崙之高有積雪蓬萊之遠常遺寒
不能手提天下往何忍身志遊其間

贈杜漸子長

吾鄙少與合杜子愛所多直木有正性深源無亂波齒
少蔚未冠心古先已皤卓哉金石姿勉矣勤鍛磨

交難贈杜漸

兩鼠共謀渴相飲期入水一本作及水一鼠下絕在一鼠上

啣尾前鼠以之跌一本作失後鼠以之死鼠死何足噫夫人

纔可悲平地把手笑乘崖撥足擠賊防易為力壯健完

牆籬交防難為人笑面惡肝脾前日信其是今日悟其

非安得先知明有如灼火龜然則奈之何期子同吁噦

廣陵集卷九

欽定四庫全書

廣陵集卷十

宋 王令 撰

答友人

幽蘭生深林不佩亦自臭天馬苟伏卓駑足日加驟蘭
生喻人學不為仕乃究馬伏侷自怠一失遂永後以今
曷為言念子不可逗前我初識子愛其肌骨秀又觀所
為詩徃徃擅高右迨熟相與言低俯如有就我樂成美
者遽以古

一本
作鄙

詩叩上言高雄張中雜富貴鬪且將起

其貪固

一本作因

欲激其慙尚謂非重邀猶恐信不厚揮汗

謝為書戴雨去自奏予始喜此讀若獲弦逐殼如何答

我詩遽此與前謬我始得則謝實若答雉

一本作雄

嗅大凡

欲有為當決如蝠狄苟進又安

一本作欲

退何自鼠穴首吾

見人自荒未有一

一本作見

耕不收設或堅決為加以勤自副

石將為溜穿曲亦因累揉大可入聖域中能踐賢園借

使不及然

一本作此

猶足聞見富中吾不可止在我固無疚

已迷不自復懼子遂著陋

若一本作蒙

聽之無子違斯言將

不又

道士王元之以詩為贈多見哀勉因以古詩為答
利劍不刺鼠大釣不聯鰠天昏白日沉劍決浮雲披地
蕩海水搖釣引九鯨縻固其用不常安得易用為當其
未效間是亦鉛與鉞吾非小丈夫胸中少翹竒少年嗜
勇黠跨歷百雄低兩眼皆豚羊一腹千熊羆使氣睨羣
輩問今當我誰四海有守兵謂予皆恥之左手將醢戎
右手期鋤夷書足記姓名劍亦棄不治

平聲一作持

不願當

世是不羞羣曹啜曰富貴在我又何有年時塊視勒山
功芥拾封侯龜一日忽自悟吾豈處強兒舊聞有六經

條

一本
作修

理兩可師無不至聖人有學中自墮勿遂謂不

及吾由

一本
作猶

未嘗追好勇不好道吾將自誅非浩乎如

有失茫乎其若思望乎如未獲專乎如有期夜或不記
寢晝或忘其飢不以懦自卻不以庸自卑樹而不可拔
山而不可移拒之不使雜磨之不容疵孰為古之聖孰
為今之推孰遠不可到孰高不可訾置易攻其難力險

肆自夷上自太古先岐軒而望羲下至三代來堯舜禹
湯姬周公汲汲勞仲尼皇皇疲軻况比踵游雄愈磨肩
馳或示我使嚮或導我使隨或鑿我未開或完我已虧
或退而我引或墜而我提或輔而我夾或顛而我支或
砭我贅疣或膏我瘡痍浴我垢醞我釀我離計昔
以較今悞是而恨迷固知於聖賢實辱再造私道遠致
力多功大收效遲今而所存者一本財一毛於皮苟曰
成不成我有罪未知如夫用不用敢繫天為辭若寒餒

貧賤此於我何居若誇毀譽訾此其如予吳王君異學者見我加嗟咨叙其念惜心一本作情投以弔勉詩語愛則然爾燭理似或遺輒自訟由來強答非所宜

客抗思李常伯滿粹翁及衡夫子權因寄此

始予既迂疎城郭非所樂聞吳富山水思徃頗計較脫身東南來見實與聞效吳之山稜稜吳水清不撓豈無適之徑以可泳以棹而獨何為然反門自閑一本作閑罩念

我西北州數子吳莫

一本作甚

較正心醇無醜粹行瑩不匏

通言張聖賢賡口唱弟孝大非友宜當實可師而傲我
愚不敢望時以管規一本豹進如暗赴明退必醜厭貌
自恥以別白疾匝天地趨坐思朝成痴夢遇夜不覺山
水雖素喜實不如誨教嗚呼何時歸作詩以自開

夜坐

破憲多穿風冷燭無定焰滴瀝隨衣淚反覆到心念趨
生迷夷塗失城陷深塹病拙未為療膏肓不容砭無家
可容歸有竈亦斷捩鳧短鶴脰長飲啄兩自瞻天有不

可問何獨於我久吾觀序卦辭否乃適泰漸而余何為者獨此不見驗譬如白為緇一造遂永染久生人所羨我獨處之厭安得蓋棺去手足同一斂

寄姊夫焦韞叔兼簡三姊

風舟挽晴江載客日夜行身遠心在家腹腸何由平未
知所到期先計還歸程時尋別時語涕淚下縱橫仰觀
風中雲下視水上萍共在天地間可無同飄零瀉此罇
中酒美魚其飲羹雖飽不厭飢強醉終自醒笑言雖在

遠音問猶有一本作有可形願因東南風時寄西北聲

采選示王聖美葛子明

酒盞

一本作清樽

厭連行衆客喧已醉忽得一本作指簿上籍共

出名外仕孤昂忽雄軒泯默亦馴致追爭相後先得失

自愚智隨時有能稱逐累得呵訾有非人力為竟亦一本

通與天幸值或果以禍覆亦有終自遂卒無及物效徒自

高人氣回鑄變新局忽若已異世嗟人久已迷高爵樂

自嗜誰為衍衍飽竟是一本作逐孜孜利矜驕決一本作快雄奢

摧折嘆淹滯昏昏忘所大擾擾爭其細安知茫昧間身
非天所戲是非未暇辨歡戚先已至退之昔裁詩頗以

豪橫恃暮年志氣得金玉多自慰買居紀堂

一本作廟

榮顧

影樂簪佩喜將閭巷好持與妻子議彼哉何足道進退
於焉繫安知九列榮顧是德所累寧論聖人為適莫固
以義有時曲肱樂不以易富貴吾曹頗勉修茲道久自
詣何必問浮雲斯理固可視

古興

點點樹頭葉翻翻水中浮暮潮通長河載入江海流顛
倒濕就溺紛淪來不休行人坐成嘆風惡久藏舟

中秋望月

月形何完完秋靜氣彌放玉輪困瑕類投擲去天仗前
無衡軛施憑誰挽能上回旋天地周馳騁固一本作信已壯

古今磨不磷剛耿固可諒予欲假之游自投上窮亢東

折扶桑枝一本作株西塞昧谷曠天機與迴斡日馭縱休暢

苟留揚輝中無復顛一本作傾側悵是謀敢吾專行矣天一本

期作帝訪傳聞天路艱蹉蹶一本作就淪喪帝居深九閣有

謁未易傍鬼神喜陰暗陳列忌忠亮進知自致艱退使

斯謀妄回頭暮堂上一本作螢燭光相望

病起聞說貪山頗有泉石遂不能遊

一病百志墮起逢秋物闌力弱未勝行厭聞客言山言

山多在遠雖近尚莫攀孥深吾無舟遂陸誰借鞍不如

無所聞收心就恬安南軒頗扶踈古木高四觀不知秋

葉踈但怪朝影斑羸軀便偃側藉有藁與莞仰攀孤雲

高卧見飛鳥還苟此且自適何能謀所艱

一本作奚能謀所艱

衆鳥

鷓鴣枝上鳴欲下飛復屢忽投羣輩先以我棄肉去羣

鳥起爭攫既失反親慕餓鷓盤且

一本作磳

下欲奪進復懼

羣鵲

一本作鶴來

何軒軒聚噪如罵怒鳩鷓恨不逮回旋自

號呼庭雀審細微知非已能預跳梁暮堂下不舍稗粒
顧

贈周伯玉下第

京塵漠無聊客書聞報罷拔身衆人後載水千里下微

裝困無餘歸馬劇連跨邈無失時嘆抗舉與俗謝但言

廢文學從今益休暇

一本作閒暇

詩書得窮搜

一作搜尋

朋友可

邀迓如解萬里駿脫去銜

一本作銜

軛駕雖時念親貧歎息

忽自咤已如嬰兒啼心在聲不嗷悲樂于

一本作與

俗異使

我喜失詫吾聞百年生暫就天地舍中間有逢遇窮達

何足訝譬之適時運寒暑變冬夏炎涼忽馬殊表葛代

相藉於身亦何預時與外物借嘗聞莊生言中不怛外

化逢鷄就知時遇彈因求灸况持身售人五穀豈真價
士材嫌易知女好固擇一本作女好惜輕嫁勉之時我過酒賤
衣可貫

送僧自總

吾病不喜語客來但寒暄頰舌且不能况事文字間彼
總乃吾舊不見今三年一日踏我門告我將南遷問之
行所止其去何由緣言方學從師惜以日月閒將求佛
所宗就乞世未傳浮舟江海波蹠屣山岳顛行方極所

到未可

一本作異

歲月還謂余昔同遊當得

一本作得相

送以言

噫佛與吾學兩分不相全今余與子遇無異東西轅共
憇中道間邂逅相留連我駕志在遠子驅良亦遠吾終
不爾從爾終不回旋兩各劇所勤相遠日益懸又出所
為文要我加量銓熒熒掇其英曄曄祭滿編惜哉不經
師如珠莫鑽穿雖有可寶資終以無用捐吾觀古人書
蓋亦不但然道德藹於中口實助使宣豈有拔其根而
望華可寡不知源所來何用其流沿人材苟不長得一

且可專六經衆子文其治自足觀身當聖人時來學浩
萬千獨顏纔庶幾他固未可肩人有老於行不聞可逃
天子何不從此去就異說孳弗思自解縱又欲引世纏
常觀已論徒恥出妻子前彼髡以為羞爾以為忻懼生

棄父母養

舊本作生而棄父母

士得執以鞭彼為則遇刑爾還自

稱賢羞惡所不存爾說尚何先予欲收子身解去子所
牽浴以清冷波佩以蘭與荃相從中道驅障塞異道

一本

作道

所 偏愛之幸其聽不聽誠可憐

雜詩

關雎后之淑棧樸君之明兔且尚好德况乃公與卿所
以彼行葦敦然遂其生誰能絃此歌為我發古聲

召公方伯尊材亦聖人亞農時憚煩民聽訟小棠下嗟
今千里長已恥問耕稼彈琴高堂上欲以無為化

廣陵集卷十

欽定四庫全書

廣陵集卷十一

宗 王令 撰

答友

客嘗疑西伯何至美里辱瞽鯀雖父子尚脫井廩酷昏
主雖聖臣飛禍安可卜致命遂其志雖窮不為戮

送崔伯易歸高郵

山頭喬木長山高山下泉深沒榜篙春牛畢耕已閒暇
春馬還有人遊遨田中青旗署沽酒道上雙孫挾白毛

子有歸資好來比我方飄泊可嗟勞

觀魚

江渚日夜歸江痕下汀磯漁者不自勞推舟就寒漪得
魚樂幾多忽忘身在泥未聞任民風豈信絲緡非

山中

山頭樹青青山水日泠泠攀樹掛冠一作衣裳飲水清肺

腸自然古心高忽與世態忘有道不足名無責身始康

快哉行呈諸友兼簡仲美

脫巾草坐踏地歌花影落酒生紅波拔劍橫膝仰面笑
醒眼不識天為何平時塵土埋英雄却學弄筆為雕蟲
太阿補履不足用老驥捕鼠終無功安得雄心大胆子
與之把臂論心事不使生前眼見仇何用死時尸磔市
人生病老多壯時百歲祇如梭過機安能跼促努筋力
眼穿仰望丹桂枝

壬辰三月二十一日讀李翰林墓銘云少以任俠
為事因激素志示杜子長并序

皇祐壬辰歲天子詔天下興賢者予以故不預因竊自
念生太平世讀書學古自少壯期切切以自奮進裨補
當世之萬一不幸窮蹇顛倒不得比常流作古詩二十
韻示山東杜子長秀才喜我者也亦可預進士舉因以
勉之云

嗟吾為顯蒙木朴無所思成童始就學數歲通書詩十
五尚意氣自待固不卑嘗為富貴易有如塗上泥苟意
欲自進足至則履之二十忽自笑學乃謀寒飢倘富貴

是致其亦壅斷為雖曰為學難我易易則宜墻籬號障
塞猶可鑽隙窺豈此聖人道苦勉不及期反覆私自念
已急猶懼遲思而或有得行之固不疑跛以見聖賢不
及猶可隨道遠志所畢疾驅亦忘疲逮茲五十年財若
穿銅鎚柄執似可役持用寧無施何意甚困躓不及庸
常兒多病骨出露薄食筋力羸鼠飽晝睡穴鷄飛暮乘
埒世既鷄鼠儔宜吾安窮竒

慎交

昏鏡無好面惡土無善禾鏡不但自昏損人顏色多地
惡根不長禾死其奈何必欲識已真拔鏡除埃塵必欲
得善禾易地勤耕耘安得浪與兜誦口而思身

西園月夜醉作短歌二闕

我有壹鬱氣從來未經吐欲作大嘆吁向天穿天作孔
恐天怒琥珀春撥醅泛艷紅出盃無客尚有月把對心
尚一本作暫開踏地長歌仰天笑突兀坐見朱顏頰從他日
月趣人老一醉萬事皆悠哉丈夫身在不憂困未必天

心竟不回

又

醉眼不識天疑是高帳幙
恁月喝不住起欲取繩縛誰
令吾不飲飲劇始知樂若令
東海鮮醉人吾亦去取北
斗酌

春夢

春風兒女喜不合丈夫愛
日午困魔來四體倦欲解春
禽只隨花中飛幸此無聲
聒我睡一夢夢周公笑與伊

尹語問今天下賢者誰何為見棄不見取紙傳周官十
卷書安用久留不燒去二夢夢孔父戟手怒目瞋天下
皆曰自孔氏獵取利祿安榮身高官志遂不思道牽以
嗜利露已真如何貧賤用我者皆是富貴用我無一人
三夢夢我身化為鳴鳳雛飛飛兩足高迅迅六翮舒直
上高高天天門閉鎖阻我回我留不肯去以翼搏天天
門開天公遣玉女問我何事來再拜謝天公賤臣無所
知幸至天公前敢問無一本作何所尸臣聞伊尹于湯旦于

周安致天下如山丘愚孫騃子相承繼卜世以過天位
留自從中代來世世亦有相如何反覆無定時猶以亂
割醫瘡痍天公何忍是不救恰如旁坐觀奕棋又聞人
間人一一天與命孔飢孟退荀楊賤天公豈不知其賢
與聖顏子號庶幾早死不久生子夏既喪子左丘亦失
明伯牛疾牖間原憲貧病成晁錯死非命賈誼天不卿
賜死蕭望之罪免劉更生羊祜許國斲墓破反得墜折
無完肱又如草木及禽獸苟推以理亦莫知春氣不加

松柏好秋風先敗蘭蕙枝蝮虺中人皆已死鴟梟食母
然後飛願天明告臣以祛臣心疑天公未及言起遂東
風吹覺來何所喻壹鬱雙泪垂

寄王正叔

形骸飢饜城市勞思得遠志與俗逃借來馬病行欲倒
著鞭迫急翻奔跳連綿半日走十堠急雨隨濕衣與袍
到家覓火烘衣濕亟書名紙揮墨毫由來道同志易合
碩人謂我此一作子本可交形穢向逢珠在側聯坐愧用狗

續貂喜愛常令對面月招延不許他有庖玄談直抵世

不到大論許致君為堯喧呼脫落

一本作路

笑絕倒中樂不

肯旁誚嘲久孤得聚

一本作助

氣遂振張目視人皆麼么促

席捉手坐接膝不肯放去逾分宵平明懶睡未及起稠

疊僕足煩見招披囊示我丈數紙晚霞爛漫

一本作滿

新晴

霄魂迷心醉不敢議畏伏縮若鼠見猫同騎疲

一本作瘦

馬

遠眺望獨止不進湏連鑣江東山水雅豐富熟視若在

圖畫杪嶙峋高疑地作限浪

一本作浩

渺遠若天不包是時

高秋鱸可膾愛欲棄綬同魚舫直道有知私自賀生平
鬱結數日消笑顏快意面改色食飲愜足腸生膾今之
腐儒不可洽欲近俗氣先腥臊尋常語我我不聽視如
秋月鳴蜩螗數日忽得正叔語溫玉一作本擊金相敲
胸懷坦儻氣焰大天馬斷轡鯨橫濤惜乎偶會復促別
歸鞭行袖交相飄還家日益無聊賴口久不語如著膠
畏人常先走木猿得食每後殘桃螯飄風西來歲月晚
寒壓天面低不凹一夕濃霜死一本作洗羣翠病若火逼毛

髮焦鳴鴻南飛

一本作歸地

得暖鴉

一本作雛

烏暮去林有巢使

人對之亦自感平時乃此窮途號百憂叢侵方寸亂頂

髮不癢手自搔時時強酒期自醉不忍把筆

一本作把筆不忍

私成騷近嫌文字不足學欲出簡札臨淵拋惟思邊堠

願得到耳靜意若聞金刀安得鐵馬十數萬少負弩矢

加矛腰力在快戰不願守直令痕鬪而血廛東西南北

四問罪使人不敢誣天驕增尸為城骨築壘滴血灑地

塵不囂歸來再拜賀太平亟出敵首都城梟如何壯志

不可遂窮愁壓挫朱顏彫因君知我故道此以代面語
相喧呶

贈劉成文

予生謝早先晚世相迨避禮俗不可徵百孔千瘡壞平
時以是念食美不知噴一本作嘔誰為醫國者已亟不圖瘥
引脰望古人去我遠以太爛斑紙上語十才一二在思
人樂其言把讀不知懈愛其善調理未訖已期再探窺
古人心憤懣世俗敗常思得英竒肝肺相誘勸以是求

世人未免許以漑不特學憂孤直恐性失介嗚呼聖賢
人既以舍我邁如何有常者亦不可得拜雖然衆嘲揚
未忍徑伍噲劉生江東儒心臆寬不隘遇我數日語收
若俯拾芥久從固所望驟得尤所快立海觀鯨鯢乘霄
飲沆瀣和風吹滯醒利爪搔痒疥我質遂媿陋香禾映
粃稗和言遂愧踈長江掩滂派辱索宜有獻百擇無一
愛作詩期笑咍幸無怒目睚

唐介并序

唐介以言事得罪人多詩之僕亦欲詩之又嘗思曰為諫官以諫得罪宜矣而人詩之是亦當世以諫得罪者少也然則介又可詩也已

以諫得罪者為誰一本作聞者誰四海多作唐介詩俗兒口狹

文字碎欲狀介事語反卑嗟嗟我亦介之徒一本作介之比此

恨不助一本作恨不助介掀目眉三更燈死百慮息四睫不交

雙目眇推枕起坐狀介節以手捫臆為介思信乎介亦壯男子直能金鐵其肝脾雷霆之怒萬鈞重人主之威

猶過之一語所犯百死在要領可斷族可夷堂堂介也
人之難不畏所畏將所持捧書入奏伏文陛身視赴死
如食飴面折庭諍語論險直舌鐵硬堅不移天子怒叱
大臣語衆笏交一本抵侔戈揮如何面笑目不瞬氣不
略馨顏怡怡即日議下得遠斥中使臨遣監妻兒奈何

左右口吻毒只有死請無還辭然今天子甚明聖雖暫

盛怒終復歸嗚呼能對治亂鑑介也能救其瑕疵語曰

五諫吾從諷仲尼逮

一本作
遺殆

有激而為後世異懦祿位

徒緣此粉飾尸素非必也事有不得已宜乎訖死爭不
回偉哉介也已不朽日月為字天為碑寄語瑣瑣媒孽
子介縱蹈死吾何悲

還東野詩

吾於古人少所同惟識韓家十八翁其辭浩大無崖岸
有似碧海吞浸秋晴空此老頗自負把人常常看于時
未嘗有誇詫只說東野口不乾我生最遲暮不識東野
身能得韓老低頭拜料得亦是無量文章人前日杜子

長借我孟子詩三日三夜讀不倦坐得脊折醫生胆旁
人笑我苦若是何為竟此故字紙童子請我願去燒此
詩苦澁讀不喜吾聞旁人咲嘆之殊不已又畏童子言
藏之不敢示奈何天下俱若然吾與東野安得不泯焉

偶作

女醜忌明鏡不知自羞人士醜忌公言不知自羞身羞
人不出前醜聲日可湮修身無不至令問一本作日益
振鏡與言何尤見忌不見親

烏鴉

雄烏無空衝雌烏無定飛一巢不易成兩口千柴枝已
高懼風顛已下憂人窺欲集更自翔旣安復重移烏巢
又生烏復哺猶可期鴉梟亦有巢母死子後飛嗚呼造
物者於此竟誰尸

寄王正叔

微生不過人氣力兩眇麼力學失自謀徑古與今左病
世相陷賊樹性期剛果豈不中是時然亦未嘗過奈何

衆好殊未語咻已夥俛俛獨何之云云銳亦

一本作易

挫忠

言不售耳直面屢得唾怒目瞋以環謗口焰而

一本作如火

出門先自羞

一本作慚

有衣恍疑裸過市不成步徂倭倅鼈

跛周旋不出扉迷若蟻循磨人惡固為甚自厭近亦頗

媚世定有術欲學從誰可必也泥自售

一本作信

恐由此始

禍賢子遠相問幸有以教我得報速是宜翹企不容坐

不願漁

終焉

一本作身

可伯為不願為漁子當時渭陽人自是

一本作示

直釣耳令非結網身

一本作心

豈有得魚喜試身風波間特

用拳妻子古今同為漁意義不相似採薇南山阿歸耕

南山下食苦心無虞守約自閒暇出處皆有一

一本作曲

義在

理無用訝令人舉一隅何足語學稼

雜詩效孫莘老

附孫詩

魚蝦無所能動輒困人得蛟鯨能則垂覆舟取人食龜

鼈能謂殊剝剝同一劇龍不入網羅亦不為人識犬羊

養於人壯則人食之猛虎嗜人肉

一本作能食人

終一本亦昧獵

者機豺狼與狗同為害豈必威封一本作豐狐能為人還作
行子妻

雜詩呈逢源

孫覺

鴻雁最知時未逃羅與網不能忘稻梁千里安得往鳴
蜩腹空虛見喙因其響丹鳳穴九霄虞人常夢想

廣陵集卷十一

卷十一

廣陵集卷十一

欽定四庫全書

廣陵集卷十二

宋 王令 撰

呼雞

雞呼雞來前犬嗥犬至止夫豈必可召役以食乃爾今
吾曷為悲人而雞犬為自計無自存西山謝夷齊

江上其一

風吹平江起長瀾野客坐嘯酒在顏興來就上南山觀
固應散髮游更好何用美質加弊冠

其二

夢載十舟勝一釣
曳緡萬里懸十牛
飽食身至東海投
還踞秦山待魚食
所得果可舖九州

其三

山頭斫竹下作竿
繫釣沉水坐岼觀
餌魚水濁魚不干
棲遲終日或有得
歸去猶可一作本妻子歡

其四

江頭風平可照水
衣冠面目略相似
與我同咲固相喜

何用妄携客子來不可與語祇相視

飲客

一本作
青山

青山何巉巖江流自渾渾欲由白石道先自長松門其
間有萬景軒豁忘乾坤適可得以心不可為客論安得
山水交共無世俗言携琴寫古聲酌泉求清源適時固
雖一本作已踈謀道豈不敷誰能歌此詩侑我飲客一本作此樽

江城

江城酒熟賤賣一本作買醉江人提魚不到市半道得錢相

一本作歸和歌翁倒子扶相枕睡江南山高不見天江北水

遠無復地馬驚墮崖舟一本作船覆波可惜行人一本作子死聲

利

效退之青青水中蒲

雙雙水中鳧足短翼有餘飛高既能遠行陸安事俱

又

雙雙水中鳧來疾去閑暇江湖風晚波泛泛自高下

又

雙雙水中鳧已往又回顧弋者窺未知舟來避還去

又

雙雙水中鳧常在水中居還有籠中鶩騰軒仰不如

又

雙雙水中鳧食飽不出水靈鳳來何時鴻鵠志萬里

霜風

一本作
冬夜

霜風裂寒窓餘响到我牀聞鼠有嚙聲不省何物傷兜
呼須我起顧無燈燭光伏枕置所念志夢通扶桑

孟子

孟子不肯比伊尹仲尼方可

作一本且

期文王聖賢自得本

本

待作

固厚重庸俗始以已較量微生喜以佞面

作一本

為詆臧

氏惡非禮所當惜哉二子不自重

作一本

思以人可否何不

詳

過揚子江

長江來何從遠自西極
詹中破蜀山流始與巴
水兼川原日混合激射
勢益嚴奔渾萬里流不
自頃刻淹駭如

馮天來急若赴海添潮汐日徃復旦暮難安恬攻冲氣
何雄吞嚙勢未厭因思禹功成自匪堯謀僉久已口効
險豈復頭今黔余來方冬時怒風何沾沾掀轟駕高浪
山阜相聯粘有如合萬鼎就沸烹羣憊天陽盛焚爍鬼
力爭息燭聲勢欲狀說有口嗟如箱湏臾稍收斂晴風
蕩氛靈涵澄動自息拂拭痕無纖宛然帝女鏡仰照青
天奩遐觀清神心俯視分眉髯有如堯舜時惠澤四海
霑登賢默與慮流惡聲無霑一本作帖洗除巖穴空蕩滌昏

奸穢恩波浩滂沛浸潤咸滋漸羣山西南來垂天下帷
檐霜風月凌厲紫翠生觚廉無波互澄照黯慘畫一縑
扁舟出中流俯仰迷碩瞻人生貴自便苟信何用占方
期謝黃塵竊身放蒼簾閒從魚鳥遊默相蛟龍潛築室
近舊本作水起釣岼巉岨插居簷行春掇苞薇坐晚登鱸鮓
仰思峻極高俯愛善下謙更與虛曠間日放詩鋒銛行
求避世交望醉江城帘出處要皆道終窮亦何嫌

晚泊

月形如張弓下影射秋水寒江風靜時
遠目失洲址漁歌去時唱歸和謹未已
豈無人間樂自快適為喜客子有倦懷
歸心動秋葦更假滄浪清聊用洗塵耳

姚堅老見約偶成

初正布新和餘臘爭近候升騰陽力微
恆怯老陰關江

雲蕩空碧

舊本作
無據

踈

舊本作
作朝

雨沐清晝林梢釋冬枯土蘖

壯春簇萎蕤風日舒刻畫山野秀闕關
先春鳥格磔弄晴味無人與調和去聲
終日自嘲詬唯君卜近適過我

許來就遷延日屢蹉嘆惜月復殷人生誠多故世事那
可究惟當自推置障絕俗慮寇休閒倘能偷踈懶當自
宥徒行苟憚勞借馬欲誰殿清沽如定携佳客可先購
勉之無使遲梅萼舊本作藍已堪覲

初聞思歸鳥憶昨寄崔伯易朱元弼

去年春日花盛開嘗有鳥啼歸去來余詩告爾東海志
子笑屬我南山杯將晞遐踪蹈高軼就拔去跡離俗堆
同時游者最誰上朱子峭擢凌春材門闕午景卧正懶

過我呼號如春雷鄰驚偷

一本
作爭

窺婦女怪婢駢奔

一本
作棄

走兒童哈門開納坐聽論列咲口侈哆傾胸懷寒道半

菽要同飢壘醬叫乞喧鄰隈僧從南浮雲

一本
作棄

異角尉

解西去遺亭臺心爭誇漫

一本
作誕

詰蜒蜿日樂虛豁留崔

嵬柳梢黖黖空晴絮杏萼爍爍翻遺埃春湖平停照空

碧涯帆曉上攬天梳西歸頗阨窮餓久南泛未免丐乞

哀竭來隨人事卑折忽自頽影慚紙摧平時客坐不敢

語苟以唯諾償嫌猜胸中糾結浩千萬到口不吐如橫

枚比來頗自撥俗礙日傍竹樹良徘徊昏昏萬事置不
省知已踈懶心難裁一聞春風動啼鳥猛若重睡忽喚
回咨嗟歲月急若矢嘆息無地安蒿萊比于見人日加
懶行恐合一本俗老益乖不知飄浮寄茲世竟亦何計
收形骸春林沾沾風日好飛止自便宜爾諧何為猶尚
歸不得世間萬事真悠哉

望招隱山花田遊江山思崔伯易因寄朱元弼

一本

作者

日

春山曠日開百花紅紫亂眼生交加青一本作晴天晴一本作青

高褰翠幄繡被堆疊帝所家平江千里鋪一席扁舟晚

若棄履舄安得一醉眠千年一本作百年世間萬事都棄捐

同碩保之遊靈隱

閉門不知春色到出城始見江梅開行探幽泉至高絕
共坐巨石聊徘徊時逢天風吹客過還有野鳥驚人來
林間躬惜所未歷歸馬空載斜陽回

揚子江阻風

揚子江風十月初西駕巨浪渺無隅常憂傾搖地為動意
欲起塞天無虛大舟不行就繫岼小舟分去爭得魚舟
中壯士起坐笑有酒更為斜陽酌

山中

山中亦有出山路山人自不與世通拂衣起行飲流水
枕書就卧聽松風地寬江河競搖蕩天濶日月爭西東
乾坤自為四時役萬事不到幽人胸

出門

出門萬事非聊復閉關坐親識久相遠與世絕弔賀適
時旣非謀接俗益加情外物等不來何必問客過

南徐懷古

昔人戰血化為土今人常懷昔人苦大江冥冥截海流
鐵甕城高排萬虎乾坤未定龍蛇爭日月湏歸仁義主
江山本不為英雄英雄自負江山死

東城

昔予出東城初見壑上耕忽忽自北至歲月令人驚雖

云一草死萬物尚華榮誰能當此時歎息微陰生

餓虎不食子

餓虎不食子飢鷹不雌求虎餓不擇肉盛怒遇子收鷹
飢爪喙獐尚與雌同鞞人豈二者然恩義宜綢繆親戚
不宜怒割恩以為仇此割非常割此傷無血流肉割愈

有

一本作
有愈

日恩割傷不收一割大義死

一本
作喪

再割面相

仇親戚尚皆然况又他人儔是已與世絕于世何足尤

松江曲

松江深處八九尺去眼百里長風波吾山井泉廢不汲
一泓不知深幾何君家自無千尺綆那知江深不如井

贈王介甫

當世胸懷萬古淳平生才術

一本作平生事業

老經綸况逢堯

舜登賢日不復伊周望古人得志定知移弊俗聞風猶

足警

一本起

斯民九門無謁天旋邃

一本作過

何惜長令仕為

貧

贈王平甫

當世所交識者稀十年聞子幸見之平生所負自信重
他日可期人莫知誰肯草茅窮釣築世方簡策誦臯夔
丈夫出處誠何較却痛蒼生為泪垂

贈孫莘老

至愚不學常如足盛德之充久自彰管小始疑天可盡
綆窮終信海非量始慚自待從來薄不及時中遣取狂
安得此生天與幸沒身得不去門牆

思京口戲周器之

江南別日醉方醺
貪愛青天帶水痕
忘却碧山歸路直
誤投浮世俗塵昏
終期散髮江邊釣
當有漁舟日繫門
但恨故人猶喜仕
他時胸腹未堪論

舟中作

杳杳波濤去莫窮
要須流合海無東
長帆百尺嗟無用
醉絕重湖咲逆風

寄東伯仁

身逐南舟去不回
匡廬留滯得徘徊
峰頭夜宿平看斗

岩下朝陰俯聽雷西顧波濤浮日月東歸天地入塵埃
何時得遂幽棲志常把帚編靜處開

題假山

擾擾人心巧謂何我腸愚只愛無它目前好且留平地
浪愛山高險自多

廣陵集卷十二

欽定四庫全書

廣陵集卷十三

宋 王令 撰

夜歸

冲冲行路自多岐
已踏歸途尚慮非
夜犬只知人是盜
不知人亦夜來歸

口占示姊

盎竭囊空且笑歌
更從吾命聽如何
不須直有牛羊樂
只以無求富自多

姊答

無求子樂我何悲且與兜曹并日饑子道合人終不苦
有求雖欲可從誰

和孫莘老将赴太平

先生素志已形詩弟子何妨鼓瑟希時若伊周方有任
命如孔孟可無歸要終四海乘槎去高謝西山食粟非
此道難言身未果且當從世共依違

又

紛紛世俗競朱金仕道人說直尋但以一官求養志
豈於千古有遺心嗜偏羊棗情何甚戲及牛刀意自深
何日山林遂歸計南風進講五絃琴

露筋貞女廟

待夫以死如知命信已輕生可謂貞指原為愚今尚衆
莫言吾志不難行

滄滄

滄滄輕雲弄落暉壞簷巢滿燕來歸小園桃李東風後

却看揚花自在飛

寄聲隅先生黃晞

王朝簪笏擁天扉肯以經綸假布衣老信蒼生終有命
窮憂當世益思歸一身誰作千年望兩眼空看萬事非
聞說常編日閑閱可應三復嘆知幾

春愁

只聞來客說春遊不遂花前咲自留浪說春期計春盡
留春無術只春愁

少年答春愁

花枝裊裊咲當觴且作春風幾日狂縱使春歸猶有酒
酒酣春去亦何傷

和朱元弼春遊

閉門無著只踈慵謾出留連與衆同柳却有情愁落日
花惟能笑謝東風恨無日到三春外盡看人狂六極中
泛泛相逢且相咲久將吾道付窮通

春日

提壺聒聒惟呼酒
杜宇喧喧只說歸
坐怪鳥聲皆有取
靜于人事益知非
已嫌世濁胡為混
能待河清固已稀
為語夷齊既甘餓
可能分我首陽薇

對花

憂愁卒卒人無樂
花草紛紛物又春
安得無憂與無慮
對花還作笑歌人

靡靡

源源世俗尚依違
靡靡風流日正微
吾病未能終是是

人言何似喜非非
况當天下難能地
欲撥憚人未發機
要格君心是知術
不然應合買山歸

觀水

細如蝦影足留連
大可蛟鯨出自然
當使川流應到海
只今坎止亦成淵
民憂不見堯咨日
地礙何由禹鑿穿
可惜卧龍無意思
不隨雲去雨春

一本
作秋田

讀孟子

去梁無故又辭齊
弟子紛紛益不知
天下未平雖我事

已身已枉更何為後來誰是聞風者當世何嘗不召師
士要自高無顧世遺編今亦有人疑

鶴

毛羽人將鶴品流斜陽高處自遲留人言殺爾三年旱
應是巢成更不憂

寄朱元弼

春城春雨綠春潭冉冉

一本作刻刻

歸舟上去帆愛子有詩

留我別悔予無酒伴君銜東風隨卷行人袖落日猶明

去客衫好有新詩寄幽寂我心

一本作孤懷

無泊似搖旂

春遊

春城兒女縱春遊醉倚層臺笑上樓
滿眼落花多少意若何無箇解春愁

龍池二絕

滿目塵埃白日陰皇天無命且深沉
終當力卷滄溟水來作人間十日霖

又

盡道神龍此有靈一池澄靜暮痕清如何蟠屈無飛志
却放鳴蛙有怒聲

月蝕

盧仝不作昌黎死天目雖盲未

一作執

見嗟坐嘆

一作晚

清

光無惜處一將吞吐聽蝦蟇

偶成

種花紅不實俗客醉仍喧
拔去樹加穀日無人過門

偶感

壯志老來退窮愁無易攻風雲詩氣焰天地醉心胸
午枕著不覺畫門闕更慵由來自踈拙底處不相容

寄滿子權

西北風吹數紙詩神門樞鑰鬼關機九原黃土英靈活
萬古青天霹靂飛我是懦夫無壯志近思依日竊餘輝
高樓暮插暗空助東望君心看翅歸

寄洪與權

劍氣寒高倚暮空男兒日月鑱心胸莫藏牙爪同痴虎

好召風雷起卧龍舊說王侯無世種古嘗富貴及耕傭
須將大道為竒遇莫踏人間齷齪踪

上聲隅先生

夫子儒門傑心誠行亦醇玉金精粹美椒桂性芬辛一
入隨邦計咸期利國賓生民待儒效天意屬人倫蜀犬
爭驚日鄒人不識麟窮途千古泪白髮四方塵弊世誰
思救仁賢自合振愛狙徒食費好鶴浪軒馴不結臨川
網偷安厝火薪忠言驚苦逆恬議貴因循漆軌書三上

清時死九濱不思防蟻壤徒欲衛龍鱗當道豺狼悞升
堂犬馬噉旱餘雲不雨命塞噐藏身獨抱遺經老來為
後進陳手提三聖出口壓九師堙衆耳雷霆震羣觀日
月新常編重一本每斷絕文席互酬詢魯變全歸道陳糧
絕更貧賤生無自幸俗繫弗容親益覆徒經日龜埋不
伏人短詩徒自訟已伏下斯民

春晚雨後

東風柔弱事春權劇雨無端轉愴然不惜好花都委地

却令遠草直平天龍蛇久蟄應思奮蛙蝮

一本作蝮

乘時已

自先綠柳由來却堪笑葉眉愁劇遂長眠

良農

良農手足胝老賈不親犁歎歲糠糟絕高門犬馬肥天
心不宜咎人理自誰尸安得悠悠者來同予一悲

瓊花

無雙亭下枝密密復稀稀蚌碎珠駢出鬚牽蝶合圍會

須珍作寶常恐散成飛况是東風後

一本作暮

游人莫易歸

夜深吟

叩几悲歌涕滿襟
聖賢千古我如今
凍琴絃斷燈青暈
誰會男兒半夜心

和合春雪

莫嘆年來雪句遲
雪遲詩句更依微
風來海國鹽波涸
春入仙田玉氣肥
雛鶴暖嬌搖羽脫
老龍枯痒退鱗飛
天工人代如端的
安得吾能及九畿

紙鷲

誰作輕鷲壯遠觀似嫌飛鳥未多端才乘一線憑風去
便有愚兒仰面看未必碧霄因可到偶能終日遂為安
扶搖不起滄溟遠笑殺鵬搏似爾難

贈別晏樊父太祝

縮伏蒿萊聽命沉舊房孤劒鐵塵侵方思力舉滄溟水
潑殺生平氣焰心不謂偶君誇意氣無端起我舊胸襟
男兒合是公侯器未忍風前墮泪吟

和洪與權

溝中老弱轉沉尸夫不容妻毋棄兒常得民愚猶是幸
不然死等更何為布衣空有蒿菜泪肉食方多妾馬思
君也天心省民數未知死所又何辭

題天長縣蘇太尉廟

唐室無臣覆手移坐看悍媪制庸兒思量可惜當年死
却是西來問鼎師

春雪有感呈王正叔東徽之

彼雪晚何淫乘時橫此臨必將滋及物自合大為霖也

道春來好何餘腸後陰冬冥誠不道蒼帝亦何心俗口
誇同粉愚觀謂似琳獨于平處薄不似險中深逆吹爭
為力凌寒苦助一本作坐見侵落疑天未悟壓恐地難任蟄
戶開重壘冰魚上復沉欲開花謾妬垂死草奚禁短韻
徒堪嘆憑君附入琴

古鑑

一片靈光合有神不知鎔鑄更何人春耕破塚衣冠盡
鬼手摩天日月新鑿面祇知西子姣照心難見比干真

主人深有收藏意當待清明不受塵

代人送常州致仕張待制

心貪進退適全宜上印飛書劇去輦存口不加張耒老
明朝竟放孔戣歸黃堂合有遺思在青史還留後世稀
此去江湖見鷗鳥為言今合信無機

代人送常州張卿掛冠

清優四皓官瀟洒二疏顏直道空華髮明時獨買山如
聞元老議尚恐輦輪還誰是塵埃者清風合自攀

謝東丈

卓鄭簪裾密作林相如貧病強來臨藜藿才飽無他志
肉食俄充有媿心死馬偶能逢市骨濫竽常恐負知音
古來一飯皆論報何日王孫遂有金

和東熙之雨後

獵獵風吹雨氣腥誰翻碧海踏天傾如何農畷三時望
只得官蛙一處鳴何處斷虹殘冷落有時斜照豔分明
當車收轍雲藏迹依舊晴空萬里平

寄衡父滿翁

甲午
十六

隻卓來篇不許雙杜壇高處立旌幢
自知孤敵難為勝
欲豎長幡一面降
須學依墻勤哭楚
莫同伏弩助收龐
何時王子歸
重搦笑倒秋醪
漉漉缸

幽居感懷寄滿子權

乙未
夏

卜得幽居四絕鄰
尋常庭巷斷蹄輪
門前犬豕卧橫道
城上牛羊下視人
滿眼夕陽閒草樹
回頭歸路正埃塵
思君未有東來計
何日雙眉對面伸

廣陵集卷十三

欽定四庫全書

廣陵集卷十四

宋 王令 撰

詩

偶成

十日九自病偶平還苦吟萬金無枉志千古有遺心
靜
隱支憑几寒搔髮解簪南風久寂寞誰繼五絃琴

信筆

紛紛世趣竟多途
失在從人得在吾
苟獲一時兒女笑

定惟千古聖賢誅微生何事疑人佞孟子當年亦自迂
滿眼悠悠懶商較盡留來者議賢愚

蠅娘

擾擾蠅娘不足評區區只逐糞丸行若乘飲露嘶風便

又作人間第一清

世言蠅娘變蟬
驗之亦有然者

荅王薄正叔

當年論友笑常情誰使風波忽沸騰自有赤心包白日
竟無綺語敵青蠅重來赭面還如火自許清誠卒似冰

反覆來篇却堪嘆待將遺恨寄朱繩

秋懷寄呈子權先示徽之蕙簡孝先之熙

滿子權詩

附

樹哭寒蜩草哭蟲何堪羈客憤時窮卒無可樂羣書外
百不堪言一嘆中雲黯暮天沉白日土塵平地斷清風
支居若問秋來况汨滿遺編髮亂蓬

次逢原秋夜見寄

滿執中

病對園林萬事空肯將寂寞感途窮消磨壯憤詩書外

破碎間愁笑傲中
霜苦亂蟲清
叫夜夢寒孤竹冷
敲風思君別有悲秋意
不為南湖一釣蓬

送仲寶叔赴秦幕

秦關千古有雄名
秦地寧時息戰爭
草野英雄無敵國
朝廷勲德倚長城
錦纏紅帕將軍府
紫電清霜武庫兵
絕幕烽烟沉遠候
太平金鼓雜謹聲
淮西司馬新恩重
魯國儒生舊望清
黑膽赤心男子事
大弔長劔大夫行
待垂賈誼言餘餌
就試終軍請去纓
縱不首傳函報死

亦須頸繫背笞生當年功業鯨鯢盡振古勲名日月明
莫嘆暫從紅幕去待于歸望碧幢迎愚時若忝書功筆
未信燕然有舊銘

從光師求花

我有歸心不可寬憶君花好舊常歡若令醉眼異鄉見
定作故人相笑者知有靈根分客易却憂平地得春難
只應胡蝶還相識飛過東風又可嘆

九日寄滿子權

懶將衰病照清流為有歸心欲白頭幸自好花開便笑
不甘為客見成愁長歌欲強秋風醉高處先輸俗子遊
我在無聊元亮死當年今日共悠悠

上黃任道

家世無雙舊材資第一良山川儲地秀日月合天光遠
色抵千古洪聲壓四方道如天未喪子讓世誰當文斧
摩空運儒工縮手藏鎔金斤溜石截玉出端剛追復軒
義舊裨縫典誥亡詩傳爭噍噍問望蔚堂堂章甫通期

冠緇裘詎合裳計量遺文引收取竟尋常有漸雖宜賀
論才固在傷偶來官簿版何異任牛羊客有裝垂索時
窮道括囊貧才完豎褐義不及妻糠劍折終羞屈蘭移
不改香幸偷容足地恥學反羹墻同日如無善當年尚
取狂互鄉前事在北面有先望

荅滿子權兼簡衡父

居唱奈高何君休我試歌古今愚智府天地是非羅何
日功名就青雲日月磨俗兒吾不較計此竟誰多

寄滿粹翁

心愛滿夫子論師不敢交
誠明大中性二五老陽爻
後學誰思進吾蒙久辱包
思之無見日夢把客門敲

寄滿衡父

寒葉落嗒嗒荆榛刺出柯
四鄰松竹少晚歲雪霜多
茲世居無可勞生計奈何
此心須見子不敢向人歌

多陰

寒雲慘四垂萬景浩成悲
白日不可見青天自取欺
晚

烟先夜色宿雨借寒威借韻泥潦莫相流西風會有時

次韵立之紅葉

雨露三春少風霜一夜多從來有根本不怕下枝柯楚
岸楓相屬吳山橘與和秋居好相慰醉色伴吾醅

聞富并州入相

元首賡歌樂股肱四方強遠一本作廣喜聲盈忠賢不死天

心在輔弼終歸聖慮精中國自今應更重本朝前日可
嗟輕要須待見成堯舜未敢輕浮作頌聲

寄黃任道

勞生滾滾欲何如去髮紛紛日

一本作已

滿梳萬古聖賢同

夢寐百年天地只蘧蔭詩書計出田園後歲月期收道
路餘安得優游似濠上共將談笑戲觀魚

答劉仲美

多謝劉夫子殷懃寄我編何時共杯酒一笑似當年歲
月回霜雪生涯廢簡編終期收晚學茅屋送

一本作賦

歸田

舟次

稍稍修竹夾溪斜樹繫孤篷白淺沙風力引雲行玉馬
水光流月動金蛇村酌客聚還成市晚釣舟橫便當家
山野生涯本閒暇誰令客子自勞嗟

次韵子權京口夜宿見寄

寒江漠漠客帆稀獨泊扁舟望翠微已瀉綠醴聊自適
更邀白鳥共忘機水閑海月寒初上

一本作漾

樹盡秋城碧

自圍嗟我相思邈千里不來同此兩忘歸

答孫莘老見寄

高門鞍馬日光榮，勢力紛紛起共爭。
偶以不能聊自便，敢于茲世獨求清。
生無人愧寧非樂，死有天知豈待名。
客食官居同是苟，何須稱別異平生。

登郡樓

江城朝雨濕晴烟，樓上風帆送去船。
苟得息肩間歲月，時來開口笑山川。
田園啼鳥三春月，江海扁舟萬里天。
何計脫身來此老，青山白髮兩忘年。

感憤

二十男兒面似冰出門噓氣玉蛻橫未甘身世成虛老
大見天心却太平狂去詩渾誇俗句醉餘歌有過人聲
燕然未勒胡雛在不信吾無萬古名

聞邕盜

病中雙淚語前流藜藿無端肉食憂常嘆平時輕死士
未知誰手付天矛好將弓箭隨軍去况是英雄得志秋
若使班超終把筆由來何路取封侯

登瓜州迎波亭

海面清風萬里寬
偶來知己脫塵關
自嗟客世無虛日
却被斜陽占盡山
海鳥不來青嶂靜
漁師歸去暮江閑
從來雲水有期約
直待功成是厚顏

聞雁

可憐飲啄鎮隨陽
何處聞時最斷腸
萬里波濤九秋後
五更風雨一燈旁
乾坤莽莽連舟楫
繒繳紛紛累稻梁
安得人同羈旅意
悠悠南北不相傷

憶潤州葛使君

六朝遊觀委蒿蓬想像當時事已空

一本作清
談事竟空

半夜樓

臺橫海日萬家簫鼓過江風金山寺近塵埃絕鐵甕城

深

一本
作為

氣象雄欲放船隨明月去應

一本
作當

留閒暇待詩

翁

何處難忘酒十首

其一

何處難忘酒君臣草昧初謀臣偷賊胆力士

一本
作首

幹凶

鋤日月明將霽乾坤害欲除此時無一盞何以壯

一本
作訖

又一本
作助 雄圖

其二

何處難忘酒 天心渴太平
焚山急賢出 拔草惡奸生
議盡芻蕘口 歌回雅頌音
此時無一盞 何以快一本作暢輿情

其三

何處難忘酒 登賢入用初
一身兼禹稷 四海再唐虞
去聖千年恨 明時一日舒
此時無一盞 何以酌亨衢

其四

何處難忘酒王朝四海中魚鳶上下樂羌狄朔南通萬
玉叢丹陛千簪合辟廱此時無一盞何以樂成功

其五

何處難忘酒君王宴豫年羣謀安一統無口議將然閒
暇開元後優游大業前此時無一盞何以慰遺賢

其六

何處難忘酒王臣立蓋方羣邪終自直萬死不摧剛社
鼠旁難塞一本作鼠社龍鱗逆易傷此時無一盞何以洗憂

腸

其七

何處難忘酒窮邊壯士歌寒弓彎未試秋劍拔新磨月
落陰山暗沙昏伏甲多此時無一盞何以陷前戈

其八

何處難忘酒攙槍世不平孤兒未勝甲孀母送為兵氣
絕心肝裂號窮血泪橫此時無一盞何以活餘生

其九

何處難忘酒窮才世不知出門無直道開口碍當時白
髮無端速青山不忍期此時無一盞何以慰憂思

其十

何處難忘酒亡君復舊遊黍離經故國

一本
作土

麥秀悼前

羞遠目何勝盡行車逆自留此時無一盞何以謝悠悠



廣陵集卷十四